

BETIRO ME TOHA, BAORO ME TOHA, NA ME
TAMINEMETEMONE AMAKE.

A História do Livro de Atos

Língua Jarawara

BETIRO ME TOHA, BAORO ME TOHA, NA ME
TAMINEMETEMONE AMAKE.

A História do Livro de Atos

Língua Jarawara



**Sociedade Bíblica
do Brasil**

As ilustrações são usadas com a permissão de
©1978 David C. Cook Publishing Co.

Edição Digital
Revista 2016

Composto pela
Associação Internacional de Linguística SIL – Brasil
Anápolis – GO

Sesowi me nabowemetemoneke. Me yoko
hinehimatamonaka yati hoti ya. Batarematamonaka. Amo ni
tere ne ya kitamematamonaka, Teoso ati ehene. Abariko
ohari owa kote tohe ya Sesowi mera
towakimisematamonaka yati mese ya, he ya tataba mati.
Sesowi mera hiyarematamonaka. Hiyari ahabe ya
tokomisehimatamonaka neme ya. Fawa nematamonaka
neme ya. Yama me kakatomehemetemoneke, Sesowi tabiyo.
Me hinamati teme nakehemetemoneke, Teoso nanarifa mati.



Teoso nanarifa me
towakamehemetemoneke.
Betiro ati yana
nematamonaka.

Hima e tokomibeya Serosarei ya. Teoso kanamori e
noki naba eke Serosarei ya. Teoso kanamori kakehibonaka,
Sesowi ati ehene. Teoso kanamori kake ya me e kanawanahaba
eke, Sesowi ati me watohaba mati. Sesowi era yosehareka,
me e kanawanahabone e.

Me kamehemete-
moneke Serosarei ya,
Teoso kanamori me
noki nabone mati.



Betiro mera ha nematamonaka, heoniyao
hiri nebonaha.

Sota ahabemonaka. Hike
ya ota tabaribe waha, me
ota kanawanahaba ota, Sesowi ati
me watohaba mati?

Basaba ya e
tabahaba eke.

Basaba onofa
okere. Matiya ya
e tabahaba eke.



Teoso me aate nemetemoneke. Teoso ati ehene Matiya ya me tabawemetemoneke.



Matiya e tabawabone Teoso ati nareka.

Yama me noki nemetemoneke. Yiya tei na ahabi ya ayaka me hiri nemetemoneke, me nafi, Serosarei ka mati. Me kakehemetemoneke, tabora one ka mati, Serosarei ya, ayaka me hiri nabone mati.

Serosarei yabori ya Sesowi me wati nawahemetemoneke. Sesowi tamine me mitehemetemoneke, ahabari.


Sesowi ya tataba me ati e namoneke ahi, "Sesowi kitamareka." Keye me hiri namoneke. Sesowi kitamaremonaka. Sesowi abohi me itihamoneke. Sesowi me kehemohamoneke, Sesowi ya tataba mati.

Keye amarini? Sesowi me awahamoneke, me tama mati, kitamari. Me aate onahabanake



Heoniyao me hiri tasehemetemoneke Serosarei ya, Sesowi nonofa mati, me tama mati kasiro ya. 120 me tohehemetemoneke. Teoso kanamori me noki nemetemoneke. Boni moni me mitehemetemoneke. Yama oye tasi nakeha aya totoha nemetemoneke, me tati neme ya. Teoso kanamori kakehimatamonaka me ni ya.

Me ati hihiya nawahemetemoneke, Sesowi nonofa mati, Teoso kanamori ehene. Bara me nafi ati ya me ati tohehemetemoneke. Me kokoriri namaremetemoneke, Sesowi ati me kaminabone mati, Teoso kanamori ehene. Sesowi ati me kaminemetemoneke, me nafi himitabonehe, tabora nafi ka mati, me kakerawaha mati Serosarei ya.






Me nafi kana nawahemetemoneke,
Sesowi nonofa me me awahabone mati.

Hima Sesowi nonofa
me e awibeya.




Me ma tonamakeheme-
temoneke. Sesowi
nonofa me ati me
kamitemetemoneke.

Bara me nafi ati
ya me ati tohineke.
Himata nima me ati
nani me ati tohawani
me amari?



Me hanoha me awineke.

Me hanora me awineke.



Betiro ati yana nematamonaka.

Ota hanokere. Teoso kanamori foye awaka ota boti ya. Sesowi te nabowe kitamenoka, Teoso ati ehene. Ota awahareka, kitamari. Tokomareka neme ya, Teoso aate nebonaha, kanamori ta nebonaha ota ni ya. Teoso kanamori kakehareka, Teoso ati ehene. Teoso kanamori foye awaka waha, ota boti ya. Ota hanokere.

Sesowi me wati nawahemetemoneke. Me ihi me nofamarehemetemoneke, Sesowi me nabowa mati.


Betiro ati amose awaka.

Te ehene hiyara te ehene te kaminaba teke, Teoso himitabonehe. Teoso tera kasomebonaka. Tera ota batisa naba otake. Teoso kanamori foyehibonaka, te boti ya, bisa.



Betiro hiyari ahabe ya me ati yana nemetemoneke. "Himata nima ota ribe?" me ati nemetemoneke.

"Te ehene hiyara te ehene te kaminaba teke, Teoso himitabonehe. Teoso tera kasomebonaka. Tera ota batisa naba otake. Teoso kanamori foyehibonaka te boti ya, bisa."



Teoso owehene hiyara owehene wati tiwaharabone tike. Yama hiyara hiri onamarabone oke. Sesowi onofa oke waha. Tiyahabone tike owa ni ya.

Sesowi tinofawahini waha?

Ee, me ati amosarake owa ni ya. Me aate onahabone oke, owa me batisa nabone mati.





Betiro me me batisa nemetemoneke, me tama mati. 3000 me tohehemetemoneke. Fara yama we nima me totaminemetemoneke.

Sesowi tamine me mitahabone me ati narake.

Te kiyomakehi.



E ka one owahara oke, maki watarari. Maki ahabe-matamonaka hibati ya. Yamata kiharamoneke.

Yinero ta onahabana oke Sesowi tataba me ni ya, yamata me kanikabone mati, yamata me ta nabone mati.



Sesowi ya tataba yamata me kanikemetemoneke, yamata me ta nabone mati, me fanawi ka yamatabonehe, me makitiri watara mati. Me one me hiwehemetemoneke, yamata me ta na mati.

Me ihi tiwinihi, Sesowi ya tataba me ihi?

Ee, me owaharake. Me ihi amosake.

Yama we one ya Betiro ya Yowao me famaha me towakiyomemetemoneke, teboru toro ya. Me ka owa me awehemetemoneke, yaka ni watoterari. Yinero aate nematamonaka, Betiro me ni ya.



Yinero okiha okere. Titaminawahaba ama tike waha, Sesowi ati ehene. Yana timisahi. Yaka tibeya.



Betiro mano wara hine iso kitehimatamonaka.
Wehimatamonaka, yaka nebanoho.



Yora nematamonaka. Yaka nematamonaka teboro toro ya, ha nari.



Betiro tama nematamonaka. Me one kana ni kamakiyemetemoneke, he me awahabone mati.

Himataba otara te awibanari? Yaka ne ota ehene amakere. Teoso ota aate ne hinataminawamareka, Sesowi ati ehene. Teoso Sesowi nofate amaka. Sesowi te nofakere, ha te ta. Sesowi te nabowa teke. Sesowi kitamenoka, Teoso ati ehene, Teoso hinofari.



Me nafi Betiro ati me kamitemetemoneke. Me ati wataremetemoneke.

Te ehene hiyara te ehene te kaminaba teke, Teoso himitabonehe. Teoso tera namosebonaka, yama hiyara te hiri namaraba te. Teoso te aate naho. Te ehene hiyara te ehene wati nawarayaho.



Sasetoti Betiro ati me nofaremete-
moneke, Sesowi me nofara mati.



Saotato Betiro ya
Yowao me famaha
me me towakame-
hemetemoneke
kateya tori ya.




Yama we one ya sasetoti mera
aate nematamonaka, Betiro ya
Yowao me fama mati. Me ka owa
sawihimatamonaka,
me hinakitamari.



Betiro mera hiyari nakomerematamonaka,
Teoso ati ehene.

Sesowi ati ehene yaka
nawahareka, Sesowi te
nabowahari.



Sasetoti me hiwehimatamonaka, yaka nari.
Sasetoti me ati wataremetemoneke.

Me te
toyabamakihi tasa.

Me abe
hiyaremetemoneke,
sasetoti mati.

Sesowi ya tataba e ka owa
me nakitamahanike, yaka terari.
Me nafi Sesowi nofawaba me
amake. Himata nima e naba e
amari, ha e?

Sesowi ya tataba me tiyosehi, Sesowi
tamine me kaminamaraba mati. Tiwati
e nabone tike ahi. Sesowi tamine te
hiyaratasi ya tera ota nahabihaba ota
amake waha.



Sasetoti Betiro mera ha nematamonaka, Yowao ya famahari, mera hiyaratasebonaha.



Sesowi tamine ota hiyaramatasaba otake, Teoso ati ehene. Teoso ati ta amosaka. Te ati hiyakere, ha te ta.



Sasetoti me yawehemetemoneke. Betiro ya Yowao me famaha me me hinakomeharemetemoneke. Sasetoti me ati ihi me towakamehemetemoneke. Me ka yobe ya me kobo tokanama Teoso me hiyaremetemoneke.

Teoso Sesowi tamine ota kaminatasahaba otake. Tiwati ihi ota watoraba otake.



Fara yama we nima Sesowi tamine me kamini nemetemoneke. Sasetoti me me nakomeremetemoneke, Teoso kanamori ehene. Me totamemetemoneke. Yama we one ya Banabe yinero ta nematamonaka, Sesowi ya tataba me ni ya.

Yinero tamaka.
Himataba amari, yinero?



Yamata te kanikahi, me ka yamatabonehe, yamata me kihara mati.




Ananiya yinero ta nematamonaka, Sesowi ya tataba me ni ya bisa.



Abohi sonhemetemoneke. Me nafi watowemetemoneke waha.



Sesowi ya tataba me me nakitamehemetemoneke, me tama mati. Me tamaha me me noki hinehemetemoneke howa ya, me kiya na mati.



Okatao yaka ni watotere amaka. Tinakitamaho.

Era nakitami owato okere. Sesowi ta hinakitamebanaka.

Sesowi ya tataba me me nakitamehemetemoneke, me tama mati. Sasetoti me yawehemetemoneke, Sesowi me nofara mati.



Me kibehabanake kateya tori ya.



Sesowi ya tataba me kibehemetemoneke kateya tori ya, sasetoti me ati ihi. Yama soki enoki ya hinamati kakehimatamonaka, Teoso nanarifa. Saotato me hiwarematamonaka. Hinamati kateya ka nokobi se kanehimatamonaka, Sesowi ya tataba me kiyomamibone karo.



Yama we one ya sasetoti saotato me me toyosemakiemetemoneke, kateya tori ya, Sesowi ya tataba me me kakamabone mati me ni ya. Saotato me tokoma me fari namehemetemoneke.



Sesowi ya tataba me kibemarakake. Nokobi wari kawaharake. Kateya ka saotato me nahoharake.

Hika me toha me awineri?




Me ka owa kobo nakehimatamonaka.

Me owahara oke, Sesowi ya tataba mati. Me kibeharake teboru toro ya, Sesowi tamine me kamina mati.



Sasetoti me ka towisawa Sesowi ya tataba me ini hiri nematamonaka.

Sesowi tamine te hiyaramarabone ota ati na otake. Ota ati te mitarani te awine?



Sesowi tamine ota hiyarineke, Teoso ati ehene. Teoso ta ati amosaka. Te ati hiyakere.



Me ka hiti Betiro ati me mita me hamehemetemoneke kasiro ya. Sesowi tataba me me nahabihabone me ati nemetemoneke. Me ka owa yana namisematamonaka, hiyarebonaha. Inomatamona amaka, Kamariyeo. Kamariyeo ati ehene Sesowi ya tataba saotato me me hekamehemetemoneke.

Me e nahabirabanake. Hine me tokomake. Teoso me hinofi ya me totamaba me amake. Teoso me hinofari ya me ahababa me amake.




Kamariyeo ati me nofehemetemoneke. Sesowi ya tataba me me kosi nemetemoneke, Sesowi tamine me hiyaramarabone mati. Me me hiyosememetemoneke waha. Me tokomemetemoneke.

E hiyari fawa raba e amake, Sesowi tamine e hiyara e.



Fara yama we nima Sesowi tamine me hiyari na tohehemetemoneke. Me totamemetemoneke, Sesowi nonofa mati.

Me ka owa hiyari wawato tohehimatamonaka, Sesowi tamine kaminari. Inomata-mona amaka, Esitefo.




Me nafi Esitefo ati me nofhehemetemoneke. Me ka one me ta Esitefo ati me nofaremetemoneke, Sesowi me nofara mati.

Esitefo tiwa ha. Esitefo ati me nafi nofaharake. Himata nima e nabowi neba amara?

Me e keyehabanake.





Te ka yinerobona ta onahabone oke, me te keyehabone te. Te ati e nabone teke ahi. Sesowi teboronabowehibona Esitefo ati nareka. Teoso ka yama hani Esitefo nofaremona ati nareka.

Me nafi me me keyehaba me amake.

Me nafi me me keyehemetemoneke, keye me hiri na mati. Esitefo saotato me hekamehimatamonaka, sasetoti me aate hinehibonaha.

Esitefo sasetoti mera nakomerehimatamonaka.



Esitefo Teoso ka yama hani ati tamaha kamine-matamonaka me ni ya.

Teoso winatere amaka teboronatoro ya. Teoso winate amaka neme ya. Ha owa ta Teoso ka yama hani onofate ama oke. Teoso ka yama hani te nofatera te amake, Sesowi te nofari karo. Sesowi te nabowa teke.

Esitefo ati me mitaha me hamawehemetemoneke kasiro ya.



Esitefo me tama nemetemoneke, me hekamehibonaha sitati beheri ya. Me kobo tonami ya Esitefo me banehemetemoneke yati ibe ya. Esitefo ahabematamonaka. Me ka owa me ka makari kakatomehimatamonaka, me hibotirahabonehe. Inomatamona amaka, Saoro.



Sesowi nonofa mera Saoro nofarematamonaka. Saoro ati ehene me kibehemetemoneke, me tama mati kateya tori ya.



Me fawa nemetemoneke, me tama mati, Sesowi nonofa mati, kateya me nofara mati.



E tokomaminaba eke. Era me awaraba me awineke.



Yama we one ya me tokomemetemoneke.




Me hiyari ihi Sesowi me nofemetemoneke, sitati one ka mati.

Me ka owa Sesowi nofe inomatamona amaka, Firibi.
Tokomematamonaka tabora one ya, Sesowi tamine hiyarebonaha.
Tabora inimetemone amake, Samariya.



Firibi mera
nakitamehimatamonaka,
me tama mati,
Samariya ka mati.
Firibi ati me
nofehemetemoneke.



Okitama oke waha,
Sesowi ati ehene. Sesowi
tamine omitabone
onahara oke.



Firibi tamine me kaminemetemoneke me one ni ya.

Simao yama wato
yokana tiha tikere. Firibi ta
yama watoka. Firibi mera
nakitamareka, me tama mati

E ra? Hika
toharano?



Simao Firibi siba nematamonaka.

Firibi aate
onahabana oke.



Firibi ati Simao kamitematamonaka.

Sesowi onofa oke.
Te ya otabawahabana
oke waha.




Betiro ya Yowao me famaha me kobo kanamakehemetemoneke Samariya ya. Teoso kanamori kobo nakerematamonaka mata, Samariya ya. Betiro ya Yowao me famaha Teoso me aate nemetemoneke, kanamori ta nebonaha Samariya ka me ni ya. Yowao ya Betiro me famaha me ye me kakibarehemetemoneke Samariya ka me tati ya. Teoso kanamori kobo namakimatamonaka.




Betiro te ka yineroba ta onahabana oke, yama owatowabone owa, te nima onahaba owa.

Simao tiwati hiyakere. Yinero e ta tera amake, Teoso ka yama e watohabana. Teoso tiwati nofare awaka.



Yowao ya Betiro me famaha me fari tokanamehemetemoneke Serosarei ya. Hinamati Firibi hiyarematamonaka, Teoso nanarifa.



Yama we kamaki ya Firibi tokomematamonaka Kasa hawi ya, Teoso nanarifa ati ehene.



Firibi wehimatamonaka Kasa hawi ya. Firibi kaho awe wehimatamonaka.
Kaho kakehimatamonaka Firibi wai ya. Teoso kanamori ati ehene Firibi
wehimatamonaka kaho beheri ya.



Kaho beheri ya Firibi tokomake bare awehimatamonaka, foyahari kaho toro ya, Etiyobiya ka me ka owanoho. Yama hani kakatome hiyarematamonaka, Teoso ka yama hani, Saiya rawi hinehemete.



Yama hiyara me hiri narake. Me hinabowareka.



Saiya ati tiwatoa tiwa awine ti?

Ati owato okara. Me watatera me amake, owa me kanawanahaba mati.

Firibi tokomisehimatamonaka, bare ha hinahari kaho toro ya.

Efe Saiya ama, ahabemata? Me ka owabisa ama, ahabemata?

Saiya Sesowi kaminemata awaka, me hinabowahari.



Firibi Sesowi tamine hiyarematamonaka, bare ati himitebonaha.




Firibi batisa hinehimatamonaka, bare. Firibi fawa nematamonaka, Teoso kanamori ehene. Bare fawa ni hiwarematamonaka. Fawa ne tosawiwawitematamonaka sitati one ya. Sesowi tamine Firibi hiyarematamonaka sitati nafi ya.



Yama we one ya Betiro tokomematamonaka Rita ya. Tabora inimetemone amake, Rita. Sesowi tamine kaminematamonaka, Rita ka me one me ni ya.


Ota ka owa Eneya tohe forehareka, kiya nari. Hinaka faha fowe owito nemetemoneke, yaka rari. Tinakitameba ama?

Era nakitami owato okere. Sesowi hinakita-mebanaka. Hika toharano?



Betiro tokomematamonaka Eneya taboro ya.

Sesowi tiwa nakitamehibanaka. Tiwarimisahi.



Eneya waremishimatamonaka, kitamari.

Sesowi owa nofe awaka, owa nakitamahari. Sesowi onofa oke waha.




Me nafi Sesowi nofawemetemoneke, Eneya kitami me awa mati, Sesowi ehene.

Yama we one ya me kakiemetemoneke, Sobi ka mati, Betiro me siba na mati.

Hika Betiro winara?



Betiro me wasiemetemoneke. "Betiro ota kakineke Sobi ya. Sesowi nonofa Tabita tohaha ahabarake Sobi ya. Kamorarake mata. Tikamakehabana tike Sobi ya. Tiwahanake," me ati nemetemoneke. Betiro tokomakehimatamonaka, me ati ihi.



Tokomakehimatamonaka fori ya. Me fanawi tamehemetemoneke.

Tabita yahate amake. Tabita amosate amake. Makari hiri te amake, ota ka makaribonehe, yinero ota kihara ota. Makari tiwa ha, hiri hiteharo.

Te nafi tokomahi.



Betiro Teoso ha nematamonaka. Tabita hiyarematamonaka.

Tabita tiwarimisamahi.



Tabita noki we tokanemetemoneke. Itaririsemetemoneke. Betiro mani wara hina hinawaremisamemetemoneke. Me fanawi ha nematamonaka.

Tabita te awa ha. Kitamarake, Teoso ati ehene.



Me fanawi Tabita tamine kaminemetemoneke.

Tabita
kitamarake.

Keye hiri tine tike. Tabita
ahabarake, owaharo.



Sesowi tataba Betiro tohe
hinakitamarake. Tikamahi.
Tiwibeya.



Kana ni tokomemetemoneke,
Tabita tabori ya.


Keye
amakereni.
Sesowi onofa
oke waha.



Saotato me ka towisawa Koneyo tohe Teoso nonofa tohehimatamonaka. Barematamona amaka. Sesowi awarematamonaka mata. Teoso ha ni fafawa toharematamonaka. Aamosa tohehimatamonaka, yamata me kihara me ka yamatabone tata tohahari. Yama we one ya Teoso ha nematamonaka.



Teoso nanarifa wakimatamonaka
fe nokosi ya.



Koneyo mera toyosemakimatamonaka, me terei na mati, he nanarifa mati. Me kobo tonamake Sobi ya Betiro warehimatamonaka yobe bari ya, Teoso ha nari.



Bani me kanamori tasi nakehemetemoneke Betiro nokosi ya, Teoso ati ehene. Teoso ati saihimatamonaka. "Betiro tiwarimisahi. Bani me waka tinahi, me tikababa mati," ati nematamonaka.



Teoso me okobarahabanake. Haha bani me ota kabatera me amake. Me hiyakere.

"Me amosake waha, owati ihi. Me hiyaramone tirahabone tike," Teoso ati nematamonaka. Bani me kanamori fawa nemetemoneke. Bani me fawa ni ya Teoso kanamori ati yana nematamonaka. Betiro tikisamahi. Me terei na tiwa me siba narake. Me ya titabamahabone tike, me ka sitati ya.

Betiro kisamematamonaka.



Betiro ama oke, ha owa, owa te siba nani te. Himata te ebe nineri?

Koneyo nanarifa me ota amake. Koneyo hinamati awehimona ati nareka. Hinamati ati ehene tikamakehabana tike Koneyo taboro ya. Koneyo tiwati mitehibona ati nareka.

Yama we one ya Betiro me ya totabamehimatamonaka Koneyo ka yobe ya. Koneyo Betiro awehi sonehimatamonaka Betiro nokosi ya.



Yana timisamahi. Teoso ama okere.

Betiro tokiyomamakehimatamonaka yobe toro ya.

Bara me te amake. Okiyomatera ama oke bara me ka yobe ya, ota ka iti bote me ati ihi. Teoso ati ehene okiyomahabana oke te ka yobe toro ya. Te amosamone Teoso ati nareka hibayata ya. Himataba owa te ha nineri?



Teoso nanarifa owahara oke. Teoso nanarifa ati ehene me oyosemakihara oke, tiwa me kakamabone mati. Otara tihiyarahabana tike waha.



Teoso ati omita oke waha. Teoso bara mera nofaka, Teoso ati me nofaha mati, yama amosa me hiri na mati.



Betiro tokomematamonaka Serosarei ya. Sesowi ya tataba Betiro tamine me mitehemetemoneke, Betiro tokiyomahari bara me ka yobe ya.

Betiro ehene hiyakara, bara me ka yobe ya tokiyomahari.




Betiro Sesowi tamine kaminematamonaka me ni ya, Sesowi me nofahabone mati. Teoso kanamori kobo nakehimatamonaka me ni ya. Betiro ati ehene Koneyo me batisa nemetemoneke.

Sesowi ya tataba Betiro me aate nemetemoneke.



Betiro tikiyominihi bara me ka yobe toro ya? Me ya titaba me tafe tikabinihi?




Koneyo Teoso nanarifa awehimona ati nareka. Teoso nanarifa ati ehene owa me nakamakehanike. Me ya otabara oke, Teoso kanamori ati ehene. Sesowi tamine okominahara oke me ni ya. Teoso kanamori kobo nakehareka me ni ya. Teoso me hinofamone me onaharake.

Betiro ati me nofhemetemoneke.

Soteo me ka towisawa Eroti tohahi ati ehene saotato Tiyako me tama nemetemoneke. Sesowi ya tataba me ka owa inomatamona amaka, Tiyako.

Tiyako te ibiyahi kateya ya. Te nabowayaho.



Tiyako ahabematamonaka Eroti ati ehene.


Eroti ati ehene Betiro foya nematamonaka kateya tori ya. Eroti ati ehene ahaba nebona hinehimatamonaka.

Betiro te matohi koheti ya, satotato me ya tabahari, me fama mati. Saotato me one nokobi me katomahabanake. Betiro tasi torayaho.



Yama soki ya hinamati tokiyomamakematamonaka
kateya tori ya, Teoso nanarifa. Betiro tatao ne
Betiro natafimatamonaka, Betiro amo nari.

Betiro tiwarimisahi. Makari
tikamahi. Sataya tikawatama
tinahi. Tikamakehi owa
ni ya.



Betiro mano ya koheti
kawana
kasokimehemetemoneke.
Tokomakehimatamonaka,
Teoso nanarifa nowati ya.

Saotato me me fiya tonamemetemoneke.
Saotato me me hiwaremetemoneke. Me tasi
tokanemetemoneke nokobi ya. Me
towakemehemetemoneke howa ya. Teoso
nanarifa fawa nematamonaka.

Betiro tokomematamonaka Mariya ka yobe ya,
Mako mati ni ya. Nokobi teteo nematamonaka.
Mariya nanarifa Hoti tohaha kamaha, "Hike ama
tiri?" ati nemetemoneke.



Betiro
ama oke.



Hoti yayai nemetemoneke. Tokomemetemoneke yobe
toro ya, mera hiyarabanihi. Nokobi se
karehemetemoneke, ati katamoro. Betiro
noki hinehemetemoneke.



Hoti ya me totabamehemetemoneke, nokobi ya.





Nokobi se kanehemetemoneke.

Betiro afa
ama ti?

Eroti tiwa
tasi toniheno
awa?

Eroti owa tasi toniharareka. Teoso nanarifa owa natafiare oke. Owa hima namareka, oyotoabone owa nowati ya. Oyotoara oke. Nokobi hine naha kanarake, fara. Ota tasi tokanami ya howa ya, Teoso nanarifa fawa nareka. Me te hiyarahi, me one. Tasi onahara oke kateya tori ya, ofoya owa. Eroti okehemohabana oke tabora one ya.




Betiro tamine saotato me kaminemetemoneke, fawa nari.



Keye amarini? Betiro te siba naba teke. Te wasire ya te ahababa te amake, owati ihi.

Betiro me wasiremetemoneke.

Yama we one ya Eroti me nafi
hiyarematamonaka, makari amosa
weye nari.



Eroti me ati nofematamonaka, teosomona me
hinahari. Me ati amosemetemoneke Eroti ni ya.
Ahabematamonaka, Teoso ati ehene, Teoso
hinofarahari.

Sesowi nonofa me totamemetemoneke.



Soteo me ka owa Saoro tohehimatamonaka. Yanehimatamonaka sitati Taso ya, ma witi karo. Ino taiti Saoro tohehimatamonaka.



Saoro winehimatamonaka Serosarei ya. Me one hikanawanematamonaka Teoso ka yama hani ya.



He kakanawana Kamariyeo tohehimatamonaka.



"Efe ama oke," Sesowi aati tohehimatamonaka. "Efe towisawabona ama oke. Teoso owa kaminematamonaka hina ka yama hani ya."

Saoro Sesowi tamine mite ati nofarematamonaka. Saoro Esitefo nabowi awehimatamonaka. Esitefo nabowi nofehimatamonaka.

Esitefo ati onofa okere.



Saoro ati ehene saotato me me tete tohehemetemoneke kateya ya.

Himata nima matehe ribe?



Sesowi nonofa me tokomemetemoneke, me winahabone mati sitati one ya.

Me onakamakiabana oke, Tamasiko ya.

Ee, tikamakehi.






Saoro me ya totabamakimatamonaka, Tamasiko ya.




Tamasiko yabori ya yama oye awehimatamonaka, yama oye kitaharo. Saoro ati himitematamonaka. "Saoro himataba me te tirini kateya ya, owa nonofa mati?" ati nematamonaka.



Ha owa Sesowi ama oke.
Tikamahi Tamasiko ya. Owati ihi
tiwa me hiyaraba me amake
Tamasiko ya.

Ee, okomabana
oke.


Saoro me one kakomemetemoneke.



Saoro me towakamehemetemoneke Tamasiko ya.




Amo ni terei nematamonaka, yama noki nari, Teoso ha nari.



Ananiya Sesowi awehimatamonaka.

Ananiya yana tinahi. Tikamakehi Sota ka yobe ya. Saoro sawi awaka fahi, Taso kari. Saoro Teoso ha ni fawa rareka. Tika kanamori awahareka, Teoso hinamoaharo. Tiwa awahareka, tiye tekibaria tiwa tati ya, noko awamebonaha.




Sesowi Saoro tamine omitate amaka. Hiyatere amaka. Saoro mera te te amaka, ota ka one mati, kateya ya, Serosarei ya. Kamakino amaka ahi Tamasiko ya, otara towakamehibonaha Serosarei ya.

Tikamakehi. Saoro otamine kaminebanaka, owati ihi, me tamaha me himitabana. Soteo me toha, bara me toha, me naba me amake, me himitabone mati.



Ananiya tokomakehimatamonaka Sota taboro ya, Saoro hiyarebonaha.


Saoro efe amaka hari, Ananiya kakehari.




Saoro Sesowi owa yosehare oke, tiwa onakitamabone owa, tinoko awamabone tiwa. Teoso kanamori kakehibonaka tiwa ni ya.

Ananiya ye kakibarehimatamonaka Saoro tati ya. Yama foro nemetemoneke Saoro noko ya, aba me atari nima naro.

Yama owama oke tasa.



Saoro batisa nematamonaka. Sesowi tamine kaminematamonaka, tamine soteo me himitebonaha.



Sesowi tinofa tiwa awine ti waha? Me tinofawaha tiwa awine ti, Sesowi nonofa mati?

Sesowi e ka towisawa amaka, towisawa Teoso hikaminemata, hinaka yama hani ya.

Himata e hiri ribe waha?

Me tamaha Sesowi me nofake waha, Saoro ati me mita mati.



Me abe hiyaremetemoneke.



Saoro kake mera
te nebona ati ne mera
nofawahaka waha, Sesowi
nonofa mati. Sesowi
nofaka waha.

Me nafi Sesowi
nofawahake waha,
Saoro ati me mita
mati. E nabowebanaka.

Sesowi nonofa me ka owa me ati mite me ati
kaminematamonaka Saoro
ni ya.



Saoro tiwa me
nahabihabone me
ati narake.

Okomabana
oke.

Tokomarima tinahi mata. Tiwa me noki na me awineke sitati ka nokobi ya, tiwa me nahabihaba mati. Yama nonoki timatahi.



Yama soki ya me ati ihi Saoro tokomematamonaka me ka yobe ya, yobe wawanabasa nari, sitati ka yama bari kani ya.

Saoro me kanawitarisemetemoneke yama bari kani kowani ya, isiri ehebote tori ya foyahari. Saoro tokomematamonaka Serosarei ya.




Banabe Saoro nofematamonaka.
Saoro towakamehimatamonaka
Sesowi ya tataba me ni ya.



Saoro ati amosareka.
Sesowi nofawahaka
waha. Keye amakere.

Te
kakiyomakihi,
te fami.

Me abe hiyaremetemoneke.



Sesowi ati ehene
Sesowi tamine e
kaminata
amake me nafi
ni ya.

Ha owa Sesowi tamine
ohiyarabisabana oke,
me himitabana.

Saoro Sesowi tamine kaminematamonaka
Serosarei ka me ni ya.



Soteo Saoro me kakowemetemoneke,
Sesowi me nofara mati.




Saoro me ka owa me ati mitehimatamonaka.
Saoro narabo nima nematamonaka.

Saoro
tikamahi.
Tiwa me
nabowariyahi.


E, okomabana oke.
Sesowi tamine
ohiyarabana oke
tabora one ya.



Saoro tokomematamonaka Taso ya, fare taboro
ya. Saoro makari tatasi tohehimatamonaka,
makari bayiharo, yobebonaha. Mera hihiyara
tohehimatamonaka, Sesowi tamine kaminari.



Taso ya Saoro wiwina tohe Banabe
kobo tonamakehimatamonaka.




Saoro tohehimatamonaka fare hinaka yobe ya.



Banabe afa
ama ti?

Saoro tiwa siba
onahara oke. Owinine
oke sitati one karo,
Atiyokiya ya. Me
tamaharake, Sesowi nonofa
mati. E fami kasawiaba eke
Atiyokiya ya, me e
kanawanahabone e.



Saoro me towaka-
mehemetemoneke,
Banabe ya me fama
mati, Atiyokiya ya.

Serosarei ka me
towakamakiemete-
moneke, Atiyokiya ya,
Sesowi nonofa mati,
me te rabone mati
kateya ya.

Ee,
owato oke.
Owehenemaro
amake.

Atiyokiya sitati ehebotemetemone amake. Me tamehemetemoneke, Sesowi nonofa mati. Soteo me toha, bara me toha, nemetemoneke, Sesowi me nofaha mati. Saoro winawematamonaka Atiyokiya ya.



Yama we one ya Serosarei ka me ka owa kobo namakematamonaka Atiyokiya ya. Teoso ati kaminematamonaka.

Teoso ati e nareka ahi. Serosarei ka me fimihaba me amake. Faha kakemarahaba amake. Me ka yamata yanamaraba amake.

Me ka yineroba e ta nebanaka, me tafeba me kanikaba mati. Yinero owakamabone oke Serosarei ya.

Saoro Serosarei ka me tiwa me nabowaba ama tike, soteo mati.

Me onakomeha okere. Teoso owa kayawaka. Owa me nabowaraba ama oke, Teoso ati ehene.



Atiyokiya ka me yinero me ta nemetemoneke,
yinero tamahari. Saoro ya Banabe me fama
yinero me towakamehemetemoneke
Serosarei ya.

Ebe e tefe
ahababa amake.
Himata e kabaribe?

Teoso e tefeba
ta neba amaka.

Abi
hinamati
nokobi koba ka.



Banabe amaka.

Te ka yinerobona
ota kakama otake,
Atiyokiya ka me
ta hinahari.

Tikamahi, me narabi
nima tibeya. Yinero tohaka,
otaboro kari.

Teoso
amosaka.



Yinero ta ni me ahaba me fari tokanamahabone me ati nemetemoneke Atiyokiya ya.

Saoro okaniso owa amaka hari. Ino amaka, Mako. E totabamabone ati nareka.

Ee, e totabamahi.



Me tokometemoneke Atiyokiya ya.

Me kobo tonami ya Teoso mera

hiyarematamonaka, me tokahabone mati sitati one ya, Sesowi tamine me hiyarabone mati. Me tamaha me

nemetemoneke, Sesowi tamine me mitara mati, sitati one ya. Mako me ya tabehibona ati nematamonaka.

Me towakamehemetemoneke. Me kobo

tokowitehemetemoneke wami one ya


Sibiri ya. Sibiri ka wami

itakosehemetemoneke ma

baikani ya.

Baoro Sibiri amake haro. Otaboro amake.

Sesowi tamine me mitahaba me amake waha.



Bafo ya me tokehemetemoneke. Sibiri ka sitati inimetemone amake, Bafo.

Sesowi tamine me nofaharake, e ati me mita mati.

Ee, me amosa me awineke e ni ya.

Sibiri ka towisawa te ino hiri nareka.



Sibiri ka towisawa Baoro ya Banabe me famaha mera ha nematamonaka, Sesowi tamine mitehibonaha. Homa ka me ati ka Saoro inomatamona amaka, Baoro. Towisawa nanarifa Erima tohahi Baoro me ati nofarematamonaka.

Keye me hiri na me awineke.

Erima tiwati hiyakere. Tiwati Teoso nofare awaka. Tinoko awamarahaba ama tike waha, Teoso ati ehene. Yama we one ya tinoko awamatasahaba ama tike.







Me tokometemoneke yama one ya. Me kobo tonametemoneke Besi ya. Mako me hisekosehemetemoneke. Mako fari namehimatamonaka Serosarei ya.




Me towakemetemoneke Atiyokiya ya, Atiyokiya one bisa.



Me kobo kanehemetemoneke Atiyokiya ya. Baoro Sesowi tamine hiyarematamonaka, soteo me ka heoniyao ya, sabato ya. Me ha hinehimatamonaka, hiyaratasebonaha, sabato one ya.




Sabato one ya Baoro hiyaratasematamonaka heoniyao ya.



Bara me yayai nemetemoneke.




Soteo riterasa me me hiyaremetemoneke, Atiyokiya ka riterasa mati.



Baoro ya Banabe me famaha me towakamehemetemoneke, me ati ihi, Atiyokiya ka mati. Me towakemetemoneke sitati Ikoniyo ya. Ikoniyo ka me ati me hinofemetemoneke, Sesowi tamine me hiyara mati. Soteo me toha, bara me toha, nemetemoneke. Me one me hinofarehemetemoneke.



Me towakemetemoneke Ristara ya. Sesowi tamine me hiyaremetemoneke Ristara ya. Bare itarimatamonaka, yaka terari. Baoro ati kamitematamonaka, Sesowi tamine hiyarari.



Warehimatamonaka waha. Yaka nematamonaka.



Me abe hiyaremetemoneke. Baoro ya Banabe me famaha me ati me hiwatorehemetemoneke. Me ati hihiya nemetemoneke. Bowi me kakamemetemoneke, me tabasi hirawabonehe, me ta hirawabonehe, Baoro ya Banabe me fama me ni ya. Bowi me weyeye nimetemoneke awa mowe ya.

Himata te ebe nineri? Teoso me ota amakere. E me ota amake. Fara te nima ota nineke. Teoso oharite amaka. Fare ehene amaka, bani me hiri nemata. Yama nafi hiri te amaka.



Sitati one ka me kobo namakiemetemoneke.
Atiyokiya ka me toha, Ikoniyo ka me toha,
nemetemoneke. Ristara ka me me keyehemetemoneke,
Baoro me me nofarabone mati.

Baoro ya Banabe me famaha
keye me hiri nineke. Me
towakamahabone me ota
toyosemaharake, ota
ka sitati ya.



Baoro ya Banabe me fama me me wati
kanehemetemoneke.

Baoro ya Banabe
me fama me ati
watamarahabanake.




Hari, waka hari.
Hima e watabaya.



Baoro me banehemetemoneke, yati ibe ya, me hinabowebonaha.



Baoro me horo nemetemoneke.
Homehimatamonaka sitati witi ya.



Banabe me one toha nemetemoneke, Baoro me
awahabone mati.

Yama ahi ka.
Ahabare awaka.
Yati nasa ne awaka.



Baoro
tihabamone
ota ati na
otake.

Teoso owa kasomare
oke. E fari tonamaba
eke sitati ya.



Baoro tiwa
nabowahabone me
ati narake.

Hasi onahaba
owa awine oke,
Teoso ati ehene.




Yama we one ya me towakemetemoneke sitati Tebi ya.

Me tamaha Sesowi me nofemetemoneke, Baoro ati me mita mati.


Baoro e fari tokanamaba eke Atiyokiya ya.

E fari tokanamaba eke, fara e kaki ka hawi ya. Me tamaha Sesowi me nofake waha. Me ohiyarahabone onahara oke.

Me fari tokanamehemetemoneke. Me towakama me ma tokanamehemetemoneke, fara sitati nima. Ristara toha, Ikoniyo toha, Atiyokiya toha, Besi toha, nemetemoneke. Baoro Sesowi nonofa mera hiyarematamonaka, sitati nafi ya. Baoro ati e nematamonaka ahi. "Me one tera nofaraba te amake, Sesowi nonofa me te. Sesowi nofi te fawa raba teke," ati nematamonaka.



Me ma kanamemetemoneke tasa, Atiyokiya ya, Siriya ka Atiyokiya. Me ka faha fowe famehemetemoneke, me yaka kawahare mati.



Atiyokiya ka me yayai nemetemoneke, Baoro me me awa mati.

Me tamaha Sesowi ati me nofaharake, ota ati me mita mati.

Sitati tamaha ka mati.



Baoro ya Banabe me famaha me watomasemetemoneke, Atiyokiya ya. Yama we one ya Serosarei ka me kakehemetemoneke.

Bara me narabi me nima nemetemoneke, Sesowi me nonofa mati.

Bani me nafi te kabate te amake, soteo me te tohara te. Bara me te amake. Teoso ati ehene soteo bani me nafi me kabatera me amake. Teoso ati ehene soteo me sowiri atari kote me nahabite me amake. Soteo me te tohawaba teke, Teoso tera nofawebe te.

Hike ati ehene amara?



Bani me nafi ota kabahabone Baoro ati nareka. Ota sowiri ataro kote ota bobi rabone ati nareka. Ati ehene soteo me ota tohawarabone ati nareka.

Tiyako ati ehene amaka, Tiyako Sesowi nisori.



Te hiyari yokana tohara te awineke.

Teoso tera nofamarehiba te amake.




Sesowi nonofa me abe hora nemetemoneke, Atiyokiya ka mati. Soteo me toha, soteo me amara me toha, nemetemoneke. Me abe ati nofaremetemoneke. Yama we one ya bare kakehimatamonaka Atiyokiya ya, Baoro ya Banabe me famaha mera hiyarebonaha. Sesowi nonofa me tamine kaminematamonaka, sitati one ka mati, Baoro ya Banabe me famaha me ni ya.





Baoro haha me abe hora narake kasiro ya. Soteo me toha, bara me toha, narake.

Bara me soteo me me tohawabone soteo me me hinaharake.



Me abe ati nofara me awineke. Atiyokiya ka me ati nima me ati na me awineke.

Tikamakibana, me aate tinahaba tiwa?

Okomakerabana oke mata. Okomabone oke Serosarei ya, Sesowi tataba me ohiyarahabone owa, bara me ati tamine okominabone owa me ni ya. Yama hani rawi okanabana oke, tekamahabana.

Baoro ama oke. Soteo me ati te kamitariyahi. Me ati hiyakere. Soteo me te tohawardaba teke. Teoso tera nofaka, Sesowi te nofi karo. Sesowi e nofa Teoso era nofate amaka.

Baoro ya Banabe me famaha me towakamemetemoneke Serosarei ya. Sesowi ya tataba me me hiyaremetemoneke. Me tamine me kaminemetemoneke, sitati one ka mati, Sesowi me nofawa mati.


Soteo me toha, bara me toha, na me tamine me kaminemetemoneke.



Me abe hora nemetemoneke. Betiro yana nematamonaka, hiyarebonaha.





Baoro me tamine
kaminematamonaka
tasa, sitati one ka mati.



Teoso ati ehene Ristara ka me ka owa
onakitamamaro ama oke, yaka terari.
Soteo amaremari amaka.

Baoro hiyari ahabe ya Tiyako hiyarawahematamonaka.





Owati te kamitahi. Bara me soteo me tohawahabanake. Teoso mera nofaka, Sesowi me nofaha mati. E hiyari e naba eke ahi, bara me ni ya. Soteo me te tohawahaba teke. Soteo me ati ihi yamata one te kabariyahi, yamata me ta hinaharo, teoso owa ni ya. Bani me ame te kabariyahi. Bani me te kabariyahi, me namiti baka kana mati, me ame te kabarabone mati. Tika yokana ahi ni tiwaharihi. Me fanawi one ahi tiriyahi.

Me nafi Tiyako ati nofehemetemoneke. Baoro ya Banabe me fama me me yosehemetemoeneke, Tiyako ati me kaminabone mati, Atiyokiya ka me ni ya.

Atiyokiya ka me yayai nemetemoneke, Sesowi ya tataba me ati tamine me mita mati. Banabe ya Baoro me fama me watawehemetemoneke Atiyokiya ya tasa. Yama we one ya Baoro Banabe aate nematamonaka.



Banabe me e yaka naba eke, Sesowi nonofa mati, sitati one ka mati.

Hima, me e yaka nibeya. Mako ya e tabahaba eke.

Mako sawi onofa okere. Mako era kakosemari amaka.

Amosawahe awaka waha.



Baoro Banabe ati nofarematamonaka. Banabe ya Mako me famaha me towakamehemetemoneke Sibiri ya. Baoro ya Sira me fama me towakemetemoneke Ristara ya.

Me kobo kanehetemoneke Ristara ya.

Baoro Timotiyo amaka hari.

Timotiyo tamine omitate ama oke. Me one tiwa kamini nataminate ama tike. E tabibana Sira ya?




Baoro ati amosematamonaka
Timotiyo ni ya. Sitati
tamaha ya me
tokehemetemoneke,
Sesowi ya tataba me ati
tamine me hiyarabone mati.



Roka afa ama ti?

Baoro e
tabahaba eke.

Me yaka nawaharehemetemoneke,
sitati me ki na mati.




Ma kowani ya yama nate
amake, Masetoniya ka yama.

Hika e
tokaribe
waha?

Yama soki ya Baoro watamimatamonaka.



Me kakariwaha ma kowani ya.
Me kobo nemetemoneke sitati Firibo ya.



Firibo ka me fanawi nahohemetemoneke faha witi ya,
Teoso me ha na mati.


Teoso ha narawineke.



Sesowi tamine Baoro
hiyarematamonaka, ati me
himitebonaha. Me ka one Ritiya
tohaha ati yana nemetemoneke.

Sesowi onofawaha
oke waha. Owa batisa
tinahabana tike
waha.

Ee, tiwa batisa
onahabana oke.



Yama we one ya bara Baoro me awehemetemoneke, hinamati ati kakamina toaharo. Yinero me tata tohehemetemoneke, sitati ka mati, hinamati ati tamine me mitahabone mati. He ya tataba me ta yinero me wawarara tohehemetemoneke. Baoro mera awehemetemoneke. "Teoso nanarifa me amake," ati nemetemoneke, ati kitaharo. Fara yama we nima, "Teoso nanarifa me amake," aati tohehemetemoneke, Baoro mera awaharo.

Ritiya me me batisa hinchemetemoneke, me nafi. Ritiya Baoro me ha nemetemoneke, me winahabone mati Ritiya me tabori ya.



Makari tata ama oke.

Makari haha amosake.



Ati kasiroke. Ati onofama okere.


Hinamati Sesowi ati ehene tikamabana tike.

Hinamati ati tamine hiyaramararake. Himata ya yinero e warara namaba e amari waha?

Baoro me ihi amake.



Sira ya Baoro me famaha me me tama
nikimemetemoneke. Me me
hekamehemetemoneke, towisawa
me aate nabone mati.




Me me kosi ni hawa hihi ya me me te hinehemetemoneke kateya ya. Me tame tokowanehemetemoneke awa ya, me towakamarabone mati.



Yama soki ya Baoro ya Sira me famaha Teoso me ha nemetemoneke. Me ayakemetemoneke. Teoso tani me hiri nemetemoneke. Me one me ayaki himitemetemoneke, kateya tori ya me te na mati.


Yama soki enoki ya wami behe nemetemoneke. Nokobi nafi se nemetemoneke. Me nafi ka koheti wahaha kanehemetemoneke.



Kateya kakakatoma nokobi naha kana
awe himatamonaka. Me tokomamone ati
nematomonaka.

Towisawa ati
ehene owa me
nahabihaba ama oke.
Fara owa
onahabihabana
oke.

Tiwa nahabirima
tinahi. Ota nahosa ke
ahi. E tokomaba
watakere.



Baoro ya Sira me famaha mera awe
sone himatamonaka me nokosi ya.

Himata hiri
onahaba ama ori,
Teoso owa
nofehiba owa?

Sesowi tinofi ya
Teoso tiwa
nofehibanaka.




Kateya kakakatoma Baoro ya Sira me
famaha mera towakame himatamonaka
fare taboro ya. Me bari soko
nematomonaka, Baoro ya Sira me fama
mati, me bari hiyaya kawaha mati.
Baoro me me batisa hinehemetemoneke,
Sešowi me nofawa mati. Fati toha, biti
me toha, nemetemoneke.



Yama wamini ya towisawa nanarifa me
kakamakehemetemoneke.

Towisawa ati ehene te
towakamahabone
teke.

Yama hiyara ota
hiri ra otake. Homa ka
tokometo ota kihake.
Homa ka tokometo e
kihaha e kosi tera amake.
Towisawa yokana
kamakibanaka ahi, otara
aate nebana.



Baoro ati tamine me
kaminemetemoneke towisawa ni ya.

Homa ka
tokometo me
kihahamoneke.
Tikamakehabone ati
nareka, aate tinehibonaha.

See, Homa
ka tokometo
me kihimonehe?
Ee, okomakehabana
oke.



Towisawa
tokomakehimatamonaka.

Owehene onofama okere.
Te towakamahabone
onahara oke sitati
one ya.


Ee, ota
towakamahaba
otake.



Me fari tokanamehemetemoneke
Ritiya tabori ya.



Me kobo kanehemetemoneke Tesaronika ya.
Baoro hiyarematamonaka, soteo me ka heoniyao ya.



Me one Baoro ati nofa, me one Baoro ati nofirihhi, nemetemoneke.



Me tokomakehemetemoneke Saso taboro ya.



Saso me towakamehemetemoneke, towisawa me aate nabone mati.

Towisawa owa nemona Baoro ati nareka, Sesowi tohari. Baoro wine awaka Saso taboro ya.

Saso yinero ta tinahabone tike owa ni ya, tiwa oberabone owa kateya ya. Baoro ka yama hiyara watari ya tika yinero ta onamabone oke tiwa ni ya. Baoro ka yama hiyara ni ya tika yinero ohahabone oke.

Baoro ya Sira me fama me towakamehemetemoneke Bereya ya. Bereya ka me Baoro ati me mita Teoso ka yama hani me kakatometemoneke. Me ati e nemetemoneke ahi. Ee, e ka towisawa tohe awaka, Sesowi, Teoso hikaminehimata, hina ka yama hani ya, me ati nemetemoneke.



Tesaronika ka me kamakiemetemoneke, Baoro me nakamake mati Bereya ya.






Baoro keye hiri nofe amaka.
Ati te nofarayaho.

Ee, e siba
nebanaka.

Baoro me siba na Baoro me wasiremetemoneke.
Sesowi nonofa me one Baoro me toyosewitiemetemoneke
sitati Atena ya. Sira ya Timotiyo me fama me teme
nemetemoneke Bereya ya.



Baoro kobo towitimatamonaka Atena ya.

Me ka teoso kanamori
tamaka. Me ka teoso owa
ino amaka hari, teoso
owa, e watorari.

Baoro Atena ka mera
hiyarematamonaka, mekato
ya me nahoha mati.


Baoro ati wato yokana
oharara oke. Bara me ka
teoso mera kamine awaka.

Baoro e ha naba eke,
era hiyarebana.



Baoro me ha
nemetemoneke.

Teoso me tamaha me te nofateni te amake. Yama hani owahara oke,
kawanaro yati ya. Yama hani ati e narake ahi, teoso owa, e watorari,
ati naro. Hehi teoso tamine okominine oke te ni ya. Yama e ta tera amake
Teoso ni ya. Teoso ka yama amake, yama nafi. Teoso yama nafi hiri te
amaka. Teoso yati tohakarara. Teoso kanamori yati
tohaha e hiri teramone
Teoso ati nareka.



Baoro Sesowi tamine
kaminematamonaka,
ahabe kitamemata, Teoso
ati ehene.

E ahaba e
kitamatera
amake.

Keye
amarini?



Baoro tokehimatamonaka sitati Korito ya.
Soteo mera awehimatamonaka, yobe makari
tohe me hiri na mati.

Baoro ama oke.
Yobe hihiri ama
oke bisa.

Ee, e tabahi, yama
ahi ni. Akira ama
oke. Oko yibote
Birisira amake.



Sabato ya
ohiyarahabana
oke soteo me
ka heoniyao
ya.


Ee, tihiyarahi.

Hihiyara tokehimatamonaka, fara sabato nima, heoniyao ya.
Sesowi tamine hihiyara tokehimatamonaka. Yama we one ya
Sira ya Timotiyo me fama me kobo kanamakehemetemoneke.

Sira. Timotiyo. Afa
me te ama?

Ee, afa me ota
amake. Ota kobo
kanamakineke
Tesaronika ya.





Sesowi nonofa me amosarake, Tesaronika ka mati.

Me ka yama haniba rawi okanabanake.

Te ka yama hanibone amake. Sesowi nonofa me te amake. Tesaronika me te amake.

Yayai oke, tera wati owahi karo, teoso me one te nofamari karo. Teoso ohari te nofawahake.

Yama amosa hiri ni te fawa rima nahi, Teoso ati ehene. Teoso ha ni te fawa rima nahi. Te abe nofahi.

Te ka one me tamine omitara oke, me ahabani mati, Sesowi nonofa mati. Sesowi kame ya mera ha neba amaka, me ahaba mati. Me tasi tokanaba me amake. Sesowi me kobo hinahaba me amake.

Te ka owa ati te kamitahi, oko yama hani ati kaminari, te nafi.

Baoro ama oke. Sira ya Timotiyo me famaha me ya otaba oke.

Baoro me tamine mitatasehimatamonaka, Tesaronika ka mati. Yama hani one rawi kanehimatamonaka tasa.

Baoro winehimatamonaka Korito ya. Hinaka faha fowe ohariha kote tohehemetemoneke. Sesowi tamine hihiyara tohehimatamonaka. Soteo me hibehibona me hinehimatamonaka, me hinofarahari.

Te ka yama hanibone amake. Sesowi nonofa me te amake, Tesaronika ka me te. Te tamine omitara oke. Yama ahi ni te fawa namone teke, Sesowi te noki nabone te. Sesowi kamarebonaka mata. Yama totoyabo kawahi ya kamehibonaka. Yama te ahi ri ya te fimihaba te amake.

Baoro ama oke. Sira ya Timotiyo me famaha me ya otaba oke.




Hima Baoro e towakamibeya, kofenato e aate naba e.


Baoro me towakamehemetemoneke kofenato ni ya.
Kofenato inomatamona amaka, Kariyo.




Kariyo ati yana nematamonaka.




Baoro winehimatamonaka Korito ya. Akira ya Birisira me fama me ya totabamehimatamonaka Efeso ya. Wiwina kawahematamonaka Efeso ya. Tokomematamonaka Serosarei ya.



Baoro tokomasematamonaka Efeso ya. Tiyana ka teboro Baoro awehimatamonaka Efeso ya. Bara me ka teoso fana inimetemone amake, Tiyana.



Baoro tokomakehimatamonaka Akira ka yobe ya.



Baoro afa ama ti? Tikama tinowati ya e ka owa kakehareka. Ino amaka, Aboro. Yowao Batisita ati tamine watohimona ati nareka. Sesowi tamine mitaremona ati nareka mata. Sesowi tamine ota kamina otake he ni ya.

Aboro tokomareka Korito ya, Sesowi tamine hiyarebonaha.

Te ehene amosarake owa ni ya, Sesowi tamine te kamina te Aboro ni ya.



Sesowi tamine Baoro hihiyara tohehimatamonaka soteo me ka heoniyao ya. Hinaka abariko terei nematamonaka. Soteo ati kamitami me hinofarehimatamonaka. Tokomematamonaka bara me ka yobe ya. Sesowi tamine Baoro hihiyara tohehimatamonaka tasa, bara me ka yobe ya. Hinaka faha fowe famehemetemoneke.



Baoro ati amosareka owa ni ya.

Owahareka. E ka owa kiya ne nakitamareka.

Baoro Efeso ya wiwina tohe Sesowi nonofa me tamine me kaminemetemoneke, Korito ka mati.

Me abe hora narake. Me one titaminamone me ati, me one Aboro amosemona me ati, me one Betiro amosemona me ati, narake.




Baoro yama hani rawi kanehimatamonaka.

Sesowi nonofa me te amake, Korito ka me te.

Te abe hora rima nahi. Te ka towisawa ama okere. Aboro te ka towisawa amakara. Betiro te ka towisawa amakara. Sesowi e ka towisawa amaka. Sesowi nanarifa me ota amake, ha owa oha, Aboro toha, Betiro toha, ota nineke. Tera ota kakatamineke.


Baoro ama oke.



Me tamaha Sesowi me nofahemetemoneke, Efeso ka mati. Tiyana ka teboro tomene hihiri me yawehemetemoneke.

E ehene me kanikamakere, Sesowi me nofawa mati. Tiyana me nofamara me awineke.

Baoro ehene tohe awaka. Me nafi Baoro ati nofake.



Heoniyao me hiri nemetemoneke.



Me totamemetemoneke, me yoro tokowama mati. Me hamehemetemoneke, Baoro me wasiabone mati. Baoro me one me me hiwata me ya me tabehemetemoneke. Kayo toha, Airstako toha, nematamonaka. Me me hekamehemetemoneke yama kori ya.




Baoro foyehimatamonaka yobe toro ya.



Me ati ihi Baoro tokomakerematamonaka. Me tamaha katoma me hiri nemetemoneke yama kori ya. Bahi famehi ya me ha ni sahihemetemoneke. "Tiyana e nofake," me ati nemetemoneke.

Towisawa nanarifa mera hiyarematamonaka.



Owati te kamitahi. Me nafi Tiyana watoha me awineke, foyaharo, hinaka teboru toro ya. Haha bara me famaha yama hiyara me hiri kere. Te tokomahi.

Baoro mera ha nematamonaka, Sesowi nonofa mati, mera hiyarebonaha.

Sawimi onofa okere ahi.
Okomabana oke Masetoniya ka yama ya.

Ee, tikamahi.



Baoro tokomematamonaka Masetoniya ya. Yama hani rawi katasematamonaka, Korito wiwina me ka yama hanibonehe.

Sesowi nonofa me te amake, Korito ka me te. Tera yaka onahabana oke. Masetoniya ka me yinero me ta hine yinero owakamahabana oke Serosarei ya, yinero me kihara me ka yinerobana. Kobo onami ya Korito ya yinero te ta naba teke bisa, owakamehibana.

Baoro ama oke.

Yinero te ta ne owakamahabone oke Serosarei ya. Te ehene amosake owa ni ya.

Tito Baoro ka yama hani towakamehimatamonaka Korito ya. Baoro sawimatehimatamonaka Masetoniya ya. Tokomematamonaka waha, Korito ya.




Baoro tokomebona ati nematamonaka Serosarei ya. Soteo Baoro me wati kanehemetemoneke.

Me ati omitara oke. Baoro tokomebona ati nemonaka nafiyo ya, Serosarei ya.

E nahabibanaka ma enoki ya, nafiyo toro ya. Hasi reba amaka.




Nafiyo yana tohehimatamonaka.



Baoro e ra?


Baoro kamakikara mata.



Nafiyo
yana tonaka
hibati ya.

Baoro
sawireba amaka.

Baoro soteo me ati tamine mite sawirematamonaka nafiyo ya. Baoro tokomasematamonaka Masetoniya ya, hawi ya.



Baoro hasi ne awaka.

Sesowi nonofa Baoro mera yaka nematamonaka, Masetoniya ka mati. Baoro kariwematamonaka ma kowani ya, Torowati ya. Mera hiyarematamonaka, Torowati ka mati, yama soki ya. Hiyari yabohimatamonaka. Me ka owa nokobi ya itari amo nematamonaka. Amo ni sonehimatamonaka, bari ka ya.



Tiwa tekatomahi.



Sonahareka neme ya. Ahabi yokana tohahareka.


Kitamareka.



Baoro hiyari ahabe ya tokomebona ati nematamonaka.



Baoro tokehimatamonaka sitati Mireto ya, Efeso yabori ka sitati ya. Baoro mera ha nematamonaka, Efeso ka mati, Sesowi nonofa me me kakakatoma mati, me kobo hinehibonaha, Mireto ya.



Okomabone oke Serosarei ya. Owa te awamaraba te amake waha. Me te nofahi, Sesowi nonofa mati. Me te kakatomiyahi.




Baoro foye ka nafiyo ma tonehimatamonaka sitati Tiro ya. Baoro mera hiyarematamonaka, Sesowi nonofa mati, Tiro ka mati.

Baoro tikamariyahi Serosarei ya.
Soteo tiwa me nabowahaba
ama tike.

Okomabana oke
Serosarei ya. Me ka
yinerobona ta onahabone
oke, Sesowi nonofa mati,
yinero me kihara mati.
Soteo me onakomeha
okere.

Baoro kise tokomisawitematamonaka sitati
Sesareya ya. Me ka owa Akabo tohe
kakehimatamonaka Sesareya ya. Teoso ati
kakaminamatamona amaka, Akabo. Baoro
ka sitarao sota tone ye tabo wete
kasehimatamonaka.

Himata
amari?



Teoso kanamori ati e nareka
ahi. Soteo Baoro me wete naba
me amake Serosarei ya. Baoro
me ta naba me amake bara me
ni ya, Teoso kanamori ati
nareka.

Baoro tikamariyahi Serosarei
ya. Tiwa ota nofake.


Te ohi rima
nahi. Owato
okere. Ohabiya
ohaba onahabana
oke, Sesowi tamine
okomini karo.



Baoro kobo tonamematamonaka Tiyako me ni ya, Serosarei ya. Ehene kaminematamonaka, Sesowi tamine kamina nawaharehari, fara sitati nima. Me yayai nemetemoneke, sitati one ka me tamine me mita mati, Sesowi me nofawa mati.

Baoro yama okominahabana oke, timitabana. Me ati tamine omitara oke. Me ati e namoneke ahi. "Soteo bara me me tohawabone Baoro ati nareka," me ati namoneke, tiwa me kamina mati. Me ati e narake ahi. "Soteo Mowisei ati me nofamarabone Baoro ati nareka," me ati narake. Keye me hiri nineke. Tikamahi teboru toro ya. Tiwa me awibeya. Teboru ya tikamahi ya tiwa me awi ya me ati e naba me awineke ahi, "Keye me hiri na me awineke, Baoro me kamina mati, Mowisei ati nofaremona me ati namana mati. Baoro Mowisei ati nofe awaka makoni sawika teboru toro ya," me ati naba me awineke.

Soteo ama oke. Okomabana oke teboru toro ya, owa me awahaba owa.



Baoro tokiyomehimatamonaka teboru toro ya. Soteo keye me hiri nemetemoneke. Me ati e nemetemoneke ahi. Bare Baoro towakiyomareka teboru toro ya. Bara me tokiyomatera me amake teboru toro ya. Me me hinakiyomatera me amake.



Efe Baoro amaka.

Bare towakiyome awaka teboru toro ya.

Baoro me wata Baoro me horo nemetemoneke.
Me hinawamehimatamonaka teboru beheri ya.



Saotato me kamakike.



Himata hiri ra hari?

Te towakamaho, foyabaya, keteya ya, ahabebana.

Baoro me towakamehemetemoneke kateya ya. Me ma tonamemetemoneke kateya noki bori ya. Baoro soteo mera hiyarematamonaka. "Teoso ati ehene Sesowi tamine ohiyarate ama oke bara me ni ya," Baoro ati nematamonaka. Soteo me hamehemetemoneke.



Te nabowaho.

Te nabowaho.

Te nabowaho.



Saotato me ka owa me ka yama kakakatoma narabo me nima nemetemoneke. Baoro tokometo kihelimona me ati nemetemoneke. Ati ehene saotato me kosi hirehimatamonaka. Saotato Baoro me towakamehemetemoneke, soteo me ka riterasa me ni ya. Baoro mera hiyarematamonaka. Me one Baoro ati nofa, me one Baoro ati nofarihi, nemetemoneke. Me abe hora nemetemoneke.




Soteo me ati fawa remetemoneke. Baoro ahabebona me ati nemetemoneke.

Baoro hinakasima biti me ati tamine mitehimatamonaka.



Baoro ati ehene hinaka bitimi saotato me narabi nima nematamonaka. Me ati tamine kaminematamonaka saotato me ni ya.




Kofenato inomatamona amaka, Ferisi. Baoro aate nematamonaka. Baoro ati amosematamonaka he ni ya. Ferisi tasi hinihebona tasi hiniharematamonaka, soteo me ati ihi. Baoro foye ka faha fowe famehemetemoneke. Faha fowe famaha ahabi ya kofenato bare tohawematamonaka. Inomatamona amaka, Festo.

Towisawa owa Akiriba tohe Festo yaka nematamonaka. Festo ha hinehimatamonaka, Baoro ati mitehibonaha.



Festo Baoro tasi toniharematamonaka. Baoro Festo narabo nima nematamonaka, he toyosemehibonaha sitati Homa ya, Homa ka towisawa aate hinehibonaha. Me nafi ka towisawamatamona amaka, Homa ka towisawa tohari. Festo ati ehene Baoro foyehimatamonaka nafiyo ya, tokomebonaha Homa ya. Baoro ya Roka me famehemetemoneke. Nafiyo ma namehimatamonaka Kereta me tabori ya.



E nahomataba eke ahi.
Yama hiwe yana toni ya e tokomaba eke. E nahori ya e tokomi ya nafiyo bokehiba amaka, boni ihi.

E nahoraba eke ahi. E sawihaba eke sitati Fenisi ya.

Nafiyo yana tonehimatamonaka.
Boni kitehemetemoneke.



Nafiyo ahabeba amaka.

Me ka sabato famehemetemoneke, me tosawariha mati faha bofe ya. Baraya yaborini ya me one tokomabone me ati nemetemoneke, nafiyo kakakatoma mati, kanawa ya.



Me tokomariyahi. Me te kayawahi. Me tokomi ya e nafi ahababa e amake.

Me one tokomara me nafi tohasa nemetemoneke nafiyo toro ya. Yama wamini ya wami me awehemetemoneke.

Wami amake haro.



Nafiyo kobo rematamonaka baraya ya, atabo tama hinahari. Nafiyo yototi baka kani yana tonehimatamonaka, faha rike ihi.

Hima e tokomahi.

E tokahaba eke, e tasi towitihaba e, baraya ya.



Me one ta yaka ni watohemetemoneke, faha baki ya. Me ka one me ta faha baki ya yaka ni me watoremetemoneke. Nafiyo ibe ya me tafori kawahemetemoneke.



Me ka one me ahabarehemetemoneke. Me nafi amosemetemoneke. Me tamehemetemoneke kasiro ya. 276 me tohehemetemoneke. Me nahohemetemoneke, Maota me tabori ya. Maota ka me yifo me afo kanehemetemoneke, me hiwa hinahabonehe, nafiyo ka mati.



Awa ini onakamabana oke.

Yifo afo okanabana oke.



Baoro awa ini koro kaname ya maka tasi tonehemetemoneke. Maka yehe wai hinehimatamonaka.

Maka amake haro.




Maka wai hika, mano.

Yama hiyara hiri ne awaka. Teoso ati ehene maka wai hina hika.

Baoro maka e nimatamonaka.



Maota ka kofenato Baoro ha nematamonaka, Baoro sawihonaha he taboro ya.
Baoro amo ni terei nematamonaka kofenato taboro ya.



Baoro Teoso ha ne ye kakibarehimatamonaka kofenato bati tati ya. Kitamematamonaka.

Me tamehemetemoneke, me tokoma mati Baoro ni ya, Baoro me hinakitamabone mati. Baoro ka abariko terei nematamonaka, sawihari Maota ya.



Yama hiwe one ya me tokomemetemoneke nafiyo owa ya. Homa yabori ya me yana tokana me tokisamemetemoneke.

Baoro yama hiyara hiri tikere. Homa ka towisawa ati amoseba amaka. Tiwa toyosemeba amaka, tikamaba tiwa.

Ee, yama hiyara hiri okere.



Baoro Homa ka me ota amake. Sesowi nonofa me ota amake. E tabahaba eke, e kobo tonamaba e Homa ya.

Homa ka yama yabosa ke. Baoro me nofa me awineke.



Baoro winehimatamonaka yobe ya, Homa ya. Foyarematamonaka kateya ya. Saotato ka kohete kawanemetemoneke Baoro mano ya, Baoro kakatomebonaha. Baoro Homa ka towisawa noki nematamonaka, he ha nebonaha, he aate nebonaha. Baoro yaka ni fara me totoha tohehemetemoneke, me tamaha mati. Baoro Sesowi tamine kakamina tohehimatamonaka me ni ya.

Ee, ota kamatasaba otake yama we one ya, tiwati ota kamitaba ota.

Te kamatasaba teke ahi yama we one ya.



Bare Onesimo tohe Baoro hiyari mite Sesowi nofawematamonaka. Baoro ya me fafamawa tohehemetemoneke.


Onesimo tiwa onofa oke kasiro ya.



Okomamaro ama oke Firemo taboro ya. Oko hitimari amaka, Firemo.

Firemo ka yama aahimari ama oke.

Firemo owate amaka. Sesowi nonofa amaka, sitati Koroso kari. Yama hiyara hiri tinehemete ama tike, tikama tiwa Firemo taboro ya.



Onesimo fari tinamabana tike Firemo taboro ya, tika hiti taboro ya.

Ee, okomabana oke.



Baoro yama hani rawi kanehimatamonaka, Firemo ka yama hanibonehe.

Firemo ama tike. Tika yama hanibone amake.

Onesimo fari tonamaka tiwa ni ya, oyosemahari. Yama wati tiwaharahabone tike, hiri hinehemete. Onesimo owa narifate amaka. Amosate amaka owa ni ya. Onofa oka. Tiwati amosi ya kamehibanaka owa ni ya.

Baoro ama oke.

Onesimo tokome ya bare kakehimatamonaka, Baoro yaka nebonaha.






Baoro afa ama ti?
Okehara oke. Tika yinerobona
owakakehara oke. Hehi yinero
Firibo ka me ka yinero amaka,
Sesowi nonofa mati.

Abaforotito
afa ama ti?
Tiwa
onofa oke.

Me abe
nofa
me awineke.




Abaforotito yama kome awehimatamonaka Homa ya.
Sesowi nonofa me
hekatomehimatamonaka.

Abaforotito kikitamaraba
tike. Firibo ka titamine
me mita me
yawahamoneke.

Ee, otaminamaba
ama oke.

Abaforotito kitamematamonaka waha.



Faha fowe famaha ahabi ya Homa ka towisawa Baoro ha nematamonaka, Baoro aate nebonaha.

Baoro tasi tinahabone tike, towisawa ati ehene.

Ahi. Tasi onahaba ama oke waha. Sesowi tamine ohiyarahaba ama oke sitati one ya, tamine me himitarari.





Tika kohete miti okanihabana oke.

Yayai oke.


Baoro tasi tone tokometatamonaka Kereta ya Tito ya me famehemetemoneke. Me tamaha Sesowi me nofawemetemoneke, Baoro ati me mita mati, Sesowi tamine kaminari.



Tito okahabone oke sitati one ya. Tisawiabana tike ahi, me tekatomaba tiwa, Sesowi nonofa mati.

Ee, owitabana oke.

Baoro tokehimatamonaka sitati one ya. Tito ka yama hanibone rawi kanehimatamonaka.



Tito ama tike. Tika yama hanibone amake.
Tiwa osekosahara oke Kereta ya, me tekatomabone tiwa, Sesowi nonofa mati. Me ha tiyahi, me me kakatomaba mati, Sesowi nonofa mati. Me nafi narabi nima tiyahi, yama amosa me hiri naba mati, Sesowi nonofa mati.
Tiwa onahara oke, tikamakehabone tiwa owa ni ya. E ka owa oyosemabana oke Kereta ya, mera kakatomehibonaha, Sesowi nonofa mati, tikamabone tiwa owa ni ya.
Baoro ama oke.

Homa ka towisawa inomatamona amaka, Nero.
Homa ka me Nero me nofaremetemoneke.



Yama soki one ya yifo me afo kanehemetemoneke, me ka yobe sari kanahabone mati, Nero ati ehene.

Yifo hiri ni nafiha yobe toyowematamonaka, tamahari. Yifo hiri ni ka yiya nofi nemetemoneke. Nero yifo hiri ni kakatomehimatamonaka.





Nero me ati tamine
omitara oke. Me ati e
namoneke ahi. Nero ati
ehene yifo me afo
kanahamoneke.

Keye me hiri nineke. Sesowi
nonofa me ihi toha me
awineke. Me te te nahi
kateya ya. Me te
waka nahi.

Me ati fawa
naba me amake waha.
Sesowi nonofa me
ihimone me ati naba
me amake. Otamine
me kaminamaraba me
amake waha.

Sesowi nonofa me me nahabihemetemoneke,
Nero ati ehene, me tamaha mati. Me me siba
nemetemoneke, Sesowi nonofa mati, sitati
one ka mati.

Baoro foyamatasematamonaka kateya ya,
Homa ya. Roka yaka hinehimatamonaka.



Baoro tifoyabana tike
kateya ya, Homa ka towisawa
ati ehene.



Tasi orahaba ama oke waha.
Roka oko yama haniba rawi
tikiyahi, Timotiyo
hiwahabana.

Ee, tiwati
hani rawi
okanabana oke.

Roka Timotiyo ka yama hanibone rawi kanehimatamonaka, Baoro ati ehene.


Timotiyo ama tike. Tika yama hanibone amake.

Tikamakehabone onahara oke ahi. Mako tekamaki tinahi. Oko makari te kakamake niyahi, osekosaharoho Torowati ya. Oko yama hani toha niyahi.


Baoro ama oke.

Timotiyo Baoro ka yama hani awe kamakimatamonaka Homa ya, Baoro ni ya.

Tifoyaba ama tike kateya ya tasa, Homa ka towisawa ati ehene.



Baoro foye beheri ya Timotiyo foyehimatamonaka. Yama we one ya saotato Baoro me towakamehemetemoneke, Homa ka towisawa aate hinehibonaha.



Baoro yama hiyara hiri
tinani tike. Tiwati ihi me abe
mono namoneke. Tihababa
ama tike waha.



Saotato Baoro me towakamehemetemoneke sitati witi ya,
namiti me bobi hisehibonaha.



Yama hiyara hiri ora ama
oke. Teoso owahabana oke
waha. Teoso owi ya ati
amosebanaka owa ni ya,
yama amosa hiri ona
owa, Sesowi tamine
ohiyara owa.

Baoro ehene Sesowi tamine me
mitehemetemoneke, me tamaha mati,
sitati tamaha ka mati.

